



BODOSA★A Bodo News Daily★ Friday★15 August, 2025 Kokrajhar,BTC,Assam★Vol.-35, Issue No.142★R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

बन्द फोसावनाय

हादतनि 79 थि उदांस्त्रि सान फोर्बोखौ लोब्बा लानानै सानसेयारि 'बड'सा खौरां लाइ मावखुलिया 15 आगस्ट 2025 आव बन्द थागोन। बेनिखायनो सानसेयारि बड'सा खौरां लाइनि 16 आगस्टनि बिसानआ नुजानाय नछ। उननि बिसानआ 17 आगस्टनिफ्राय सिगांनि बादियेनो नुजालांफिनगोन।

फोसावगिरि/दिहुनगिरि सानसेयारि **बड'सा** खौरां लाइ **जोहोलाव दैमालु लामा, माइबां नोगोर, कक्राझार, बि.टि.आर. (आसाम)**

बाक्सा सन्यासिनि मन्दिराव बिटिसिनि गाहाइ मावफुं सोद्रोमा प्रमद बर' बि पि एफआ जोबस्त्रांगोन ना थाबावगोन बेखौ बे खेबनि बिसायख 'थियाव राइजो-राजाफोरा थांखि लागोन: प्रमद बर'

बाक्सा, 14 आगस्ट: हाग्रामा महिलारिआ आंखौ जोबस्त्रांबाय होन्ना बुंनय बायदि आं बेबायदि बिबुंथि लाखिफिननो हाया। बिटिआरआव बिपिएफनि मासिया खम जालांगसिनो दड आरो बेयो थाडै थाडै मोनसे समाव लाथिख'बो जाहैनो हागौ। बिपिएफआ मा जाहैगोन, (□ 9 बिलाइआव)



नलबारियाव 576 कौटि रां खर्साजों मोन 27 बिथांखिफोरनि लाइखुन्थिया बेखेवदों राइजो-राजाफोरनि बोर सारस्त्रिनायखौ लानानै मोनफ्रोमबो सिमांखौनो जों मोखथां महर होनो हादों: गिबि मन्थि

दिसपुर, 14 आगस्ट: राइज्योनि गिबि मन्थि ड॰ हिमन्त बिश्व शर्माआ दिने नलबारि गर्दन गोजोसिन गेजेशरि फरायसालिनि गेवलां गेलेग्रा फोथाराव नलबारि जिल्ला सान आरो 'नलबारि बियाबनि जौगाखां'नायनि सानसे' हाबाफारियाव बाहागो लानानै 576 कौटि रां खर्सा खालामनानै मोन 27 बिथांखिफोरनि लाइखुन्थिया गाइसनो आरो गोथारे बेखेवनानै होयो। गिबि



मन्थिआ दिने नलबारियाव 427.16 कौटि रां खर्सा खालामनानै मावफुंजानो गोनां मोन 20 बिथांखिफोरनि

लाइखुन्थिया गाइसनो। बेनि गेजेशव नलबारि नोगोर आफाद ओन्सोलआव 114 कौटि रां खर्सा खालामनानै मावफुंजानो

गोनां 24 घन्टासिम नलिनि गेजेरजों गोग्गो लोंगा दै बिथांखि, नलबारि सहराव मियाबाखि नोगोरारि हाग्रा ओन्सोल बिथांखि, 18 कौटि रां खर्सा खालामनानै जथुमसालि, नलबारि नोगोरारि 7.85 कौटि रां खर्साजों स्ट्रिट लाइटनि गोदानथि बिथांखि, 19 कौटि रां खर्साजों लुफुंजानो गोनां नलबारि आलासि भवन, 31 कौटि रां

(□ 9 बिलाइआव)

लक्ष्मण प्रसाद आचार्य
Lakshman Prasad Acharya



आसामनि राइज्यो बेंगिरि

राज भवन
गुवाहाटी-781001 (असम)
RAJ BHAVAN
GUWAHATI-781001 (ASSAM)
फोन: (0361) 2540500 (ऑफिस);
फैक्स: (0361) 2731832;
ई-मेल: rajbhavan-assam@gov.in

अक्ट: 15 आगस्ट, 2025

हामब्लायथि रादाब

जौनि गेदेर हादतनि 79 थि उदांस्त्रि साननि मख 'जाथाव बुब्लिआव आं बे समाइना राइज्यो आसामनि गासै थागिबिफोरनो आंनि गोसो गोर्बोनिफ्राय गोथार बरायनाय आरो हामब्लायनाय जासियो।

बे सानआ जौनि हादतखौ फामुवारि खुंथाइनिफ्राय उदां खालामनो थाखाय गावसोरनि जिउखौ बाउसोमनाय गिनो रोडै जोहोलाव आरो जोहोलाव जोफोरनि मोनसे गोथार गोसो खांहोयो। जेब्लां जों जौनि उदांस्त्रि सान फालियो जों जौनि उदांस्त्रि सोमावसारगिरिफोरखौ मान होयो, जायनि दिदोम साहस आरो थाद'नो होनाय गोहोआ जौखौ 15 आगस्ट, 1947 माइथायाव उदांस्त्रिनि सोरांजों बोर होदोंमोन।

फै जों हादतनि बिफा महात्मा गान्धीखौ मान होनि, जायनि 'अहिंसा' आरो 'सत्याग्रह' बोसोन खान्थिफोरा मोनसे गेदेर सोमावसारनायखौ थुलुंगा होदोंमोन आरो जोबनायाव जौखौ गुबुन हादतनि गादबनायनिफ्राय उदां खालामदोंमोन। आं आसामनि उदांस्त्रि सोमावसारगिरिफोरनिसिम गोसो गोर्बोजों मान बाउयो आरो बिसोरनि हादत अन्साइनायखौ जों बाख्नायो। बे फालिथाइआव जों उदांस्त्रि, सुबुं खान्थि आरो समानथिनि बेसेनफोरनि फार्से जौनि बाउसोमनायखौ गोदान खालामनो थाखाय समाइखिरा लानांगोन। जाय जौनि हादतनि थाखाय गसंथायो।

जों आबहावा संरैखाथि, गोदान गोहो, बेसेन गोसा फुंखाफोरखौ सामलायनायाव गावखौ बाउसोमनानै गोजोर जौगा होनायाव बिहोमा होनांगौ। बेजों लोगोसे जों गोदान बिरोंदामिनखौ बोजबना लानायजों लोगोसे भारतनि बेसेन गोसा हारिमुवारि उन मोन्थाइखौ रैखा खालामनांगोन। आरो उन संफानांगोन।

फै जों जौनि उदांस्त्रि सोमावसारगिरिफोरनि बाउसोमनाय आरो जौनि इयुन जोलैफोरनि हास्थायनायफोरखौ मान होनानै जौगाखां भारतनि फार्से हेफाजाब होनि।

जय हिन्द

लक्ष्मण प्रसाद आचार्य
(लक्ष्मण प्रसाद आचार्य)

DIPR /D/BSA/146/15-Aug-25



आसाम सरकार

हर घर

त्रिरंगा

2 आगस्ट -15 आगस्ट,
2025
आवुई मिबथिनो
थाखाय स्केन खालाम



उदांस्त्रि सान

2025

“देशतेइ पाव जन्म-जीवन,
लालन-पालन, भाषण-भुषण,
धर्म, कर्म-चिन्ता साधन,-
देश एरि मोर एको नाइ,-”

-अम्बिकागिरी रायचौधुरी

हादतनि 79 थि उदांस्त्रि सानखौ लोब्बा लानानै गेदेमा उदांस्त्रि
सोमावसारगिरिफोरखौ मान होनानै आसामआरिनिसिम गोसो-गोर्बोनिफ्राय
हामब्लायथि बाउहरबाय।

ड॰ हिमन्त बिश्व शर्मा
गिबि मन्थि, आसाम



माहारियारि फिरफिलाजों सेल्फि आपलड खालाम
harghartiranga.com

फोरमायथि आरो सुबुं फोनांजाब बिथोनगिरि मावख', आसामजों फोसावजानाय

Connect with us @diprassam dipr.assam.gov.in

DIPR/D/BSA/144/15-Aug-25



आसाम बार्ता साबरकाइब खालामनो 7636834943 आव "Assam" लिरनानै वाटसआप खालाम



NERIM GROUP OF INSTITUTIONS

Affiliated to Dibrugarh University, Gauhati University & ASTU

Approved by MoE, Govt. of India, BCI, AICTE & NCTE

NERIM
Your Academic Home

Estd. 1992

CONGRATULATIONS to all the students for making us proud of their Placements in 2024-25.

Rupam Pathak (MBA) Deloitte	Vikash C. Mishra (MCA) Vizuara AI Labs	Gauranga Dutta (MBA) TCS	Akanksha Borgohain (MBA) Taurani Holding	Amardeep Sarma (MBA) HDFC Bank	Amirul Hassan (MBA) Bandhan Bank	Amlan Jyoti Borah (MBA) Wings Pharma. Pvt. Ltd.	Anindita Baruah (MBA) Reliance Retail	Ankita Bhattacharjee (MBA) Reliance Retail	Antara Saikia (MBA) HDFC Bank	Arpita Patowary (MBA) HDFC Life
Asif Hussain (MBA) ICICI Prudential	Atlanta Bordoloi (MBA) D Mart	Atreyee Saikia (MBA) Madify Media Pvt. Ltd.	Ayush Saha (MBA) Ceekay Associates	Bharadwaj Parashar (MBA) HDFC Life	Bikran Sarma (MBA) Sundrop brands Ltd	Binod Biswas (MBA) Reliance Retail	Bipshita Das (MBA) ITC Sunrise	Bishal Sarma (MBA) RV System & Softwares	Debashish Saan Kalita (MBA) Asian Paints	Adarsh Gupta (MBA) ICICI Prudential
Deepshikha Sarma (MBA) D Mart	Dhriti Biswas (MBA) Reliance Retail	Dhruva Jyoti Kakati (MBA) ICICI Prudential	Dinky Jain (MBA) ITC sunrise Ltd.	Farhana S Borbora (MBA) ICICI Securities	Farooq Abdulla (MBA) V Mart	Fridolin Sten (MBA) Bajaj Alliance	Gautam Borgohain (MBA) TATA AIG	Gayatri Devi (MBA) HDFC Bank	Aditi Nath (MBA) V Mart	Kundan Adhikari (MBA) Kotak Life
Himangshu R Changmai (MBA) Reliance Retail	Hirak Jyoti Deka (MBA) ICICI Prudential	Hrishikesh Lahkar (MBA) D Mart	Indranil Das (MBA) ASIAN Paints	Isha Waheed (MBA) HDFC Bank	Joyful Lumphui (MBA) Reliance Retail	Joyjyoti Borgohain (MBA) D Mart	Kaushik Ranjan Das (MBA) Peerless Hospital	Koushik Saha (MBA) RV S&S Pvt Ltd.	Krishnamoni Gogoi (MBA) D MART	Partha Nath (MBA) Reliance Retail
Mamoun N. Choudhury (MBA) Taurani Ilc	Manas Pratim Das (MBA) HDFC Bank	Mandeep Gohain (MBA) D Mart	M Rahman Khan (MBA) D Mart	MD Sahid Hasan (MBA) Reliance Retail	Monika Sharma (MBA) Peerless Hospital	Mrinmoy Sarma (MBA) ICICI PRUDENTIAL	Nikita Sharma (MBA) Reliance retail	Nilay Kalita (MBA) Marico India Limited	Nirmali Heloi (MBA) Saint Gobain	Sanchayita Das (MBA) HDFC Bank
Preeti Saha (MBA) V Mart	Rahul Choudhury Cheekay Associates	Reema Kumari Singh (MBA) D Mart	Rimpi Sultana (MBA) Bajaj Allianz General	Rishikesh Sarma (MBA) TCI	Rituraj Kr Chakraborty (MBA) ICICI Securities	Riyaa Singh (MBA) Bajaj Allianz Life	Sahil Buragohain (MBA) V Mart	S. Anwar Chowdhury (MBA) ICICI Securities	Abhijit Rajbangshi Ceekay Associates	Trishna Devi (MBA) Deloitte
Sanju Singha (MBA) Reliance Retail	Seema Phukan (MBA) HDFC Bank	Sejal Chettri (MBA) Bharti Airtel	Sekh Farid Ali Ahmed (MBA) ICICI Prudential	Selci Salini Wahid (MBA) HDFC Bank	Shohail Aftab (MBA) ICICI prudential	Shristi Chakraborty (MBA) ITC limited	Smita Das (MBA) Amul	Soniva Choudhury (MBA) Invoicemart	Srichanda Bhattacharya (MBA) Reliance Retail	Subhankar Bora (MBA) Taurani dss steel
Subhankar Mahanta (MBA) HDFC Bank	Sudarshan P. Goswami (MBA) Berger Paints	Susmita Saha (MBA) Bajaj Allianz	Swapnil A Bharadwaj (MBA) Taurani LLC	Swarnali Debnath (MBA) TCI	Tamez Ali (MBA) HDFC BANK	Tisha Tandon (MBA) Airtel	Vinay Kumar Tiwari (BBA) Bajaj Allianz	Deepshikha Nandi Roy (MBA) TCI	Dipshikha Talukdar (MBA) D Mart	Gitartha Tamuli (MBA) Godrej
Gwijyn Narjary (MBA) ICICI Prudential	Mayur Krishna Sarma (MBA) ICICI Securities	Mrinmoy Bordoloi (MBA) Reliance Retail	Niharika Das (MBA) ITC Limited	Nikash Sarangthem (BBA) ICICI Prudential	Nishita Seal (MBA) Airtel	Raj Ghosh (MBA) ICICI Securities	Shivani Singh (MBA) Kotak Life	Satish Kumar Sarki (MBA) Taurani LLC	Debashish Pathak (MBA) RV Systems	Ashim Das (MBA) Bajaj Allianz
								Special Feature.... - Assured Placement Assistance - Complimentary Laptops to MBA, MCA & PGDM students - All Classrooms are Air Conditioned - Smart Classrooms and Computing Labs - Free Corporate Suit and Course Pack to all the students - Enriched Library with e-Library facilities - Complimentary Diploma in Computer Applications (DCA) - Educational Loan Assistance - Wi-Fi enabled campus - Hostel facility for Girls (in campus) & Boys - Health care arrangements and Accidental Medical Assistance.		
Himanshu Kalita (MBA) Bajaj Allianz	Sumit Sinha (MBA) Taurani LLC	Ankur Jyoti Rajkhowa (MBA) Bajaj Allianz	Rihitt Das (MBA) Bajaj Allianz	Raginee Nath (MBA) Priya Communications	Jashmit Singh (MBA) Taurani LLC	Nirab Kalita (MBA) Bandhan Bank	Jayveer Singh (MBA) Big Basket			

ADMISSION is going on for the following courses for the Academic Session 2025-26. Admissions shall be conducted as per Regulations of the Affiliating University.

BBA LL.B(H) BALLB(H) PGDM M.Com
MBA MBA(P/T) MCA MSW MA(App. Psychology)

OTHERS COURSES...

BCA BSW B.Com(H)
BA M.Sc.
(Psychology) (Computer Science)

Prof. (Dr) Sangeeta Tripathi, Director, NERIM, Padma Nath Sarmah Bhawan, Jayanagar, Khanapara, Guwahati -781022

Call : 9954190758 / 9954051419 www.nerimindia.org nerimindia@gmail.com

सिन्दुर

बिमा बर’ हारिनि
सिन्दुर हिनजाव माहारिनि
गोमा लांदोंमोन बर’ बिमा
आलाइ सिलाइ जाबायमोन।
सिनाया जाबायमोन बिदा फंबाय
सारअन्थाय बेरदोंमोन बर’ गामियाव
श्राव-श्राव गुम-गुम, ग्राम-ग्राम
हुम-हुम, हाम-हाम
हादोंमोन अखा दामब्रा
बोहैलांदोंमोन गोजा थैन बाना।
लोगो लोगो मोदैनि अखा हानानै
सुम्रा लांबाय हिन्जाव माहारिनि
खाफालनि गोजा सिन्दुरखौं
गोमा लांनांबाय मोदोमजों
थाफानाय गहेना।
गोमालांबाय गोबां बिदा-फंबायनि सह’,
बुरैनांबाय गोबां बर’ आइजो
रन्दि जानांबाय गोबां आयजो।
आश्रम खुलिदों आसामाव
बर’ हिजावफोरनि दुखुखौं नुनानै
मुछ बिनि सुवालकुसी
नाथाइ बिगुमाया सोर बिनि ?
हे आइ बर’ बिमा/अनसाइ हरदों
आइजोफोरखौं
थिनहरदों सिन्दुर फुननो।
मोनबाय बर’आ दखरसे बि टि सि
गाइसनदो बर’ आश्रम
मुं होनो बि टि सि आश्रम॥

मुश्री गलक बसुमतारी
गामि- सनत्तला
ला:सो:- जारकना
जिला- बागसा बि टि सि आसाम।

दादुरा सैमा

गोजांनायनि जारलायाव लान्जाय फायश्रमनानै उन्दुना दङ
सोरबा अर सायलांनाय हांगार खाथियाव।
सोरनिबा मोदोमा दादु जानाय बिगुर गैयै
लंथं –लंथं खारगासिनो दङ मेंनाय बानायखौं नागारनानै।
लामा सेरनि बै जाबोर दामोलाव
दाखुरा सैमाया उदैनि जारलायाव.....
आवथालि फावथालि समाइना भावजों
अरलु ग्रासिनो दङ
थरसे मानिबा गोरान हारा,
सोरबा अरसिनो नाजादों जुथा गिजिखौंनो
माबाफोर गैयै जुनारनि गेसाव बिगुर सान्नानै,
थरथिंसे मिलौदो बिदै मोनजानायनि आसायाव
सोरनिबा खाफालाव बेबो गैबाबा,
खायसे गावजों गाव अरलायदों।
खबसे आदारनि थाखाय
बरादनि लिरनायाव खायसे सैमाया.....
मानसि महरयै गाखो लांफादों
सोरनिबा जिबसि गारियाव,
सिउ-सिउ बुदेर फानाय गारिनि बारा
गोजां होबावदोंमोन दादु जानाय बै सैमाखौं।
गावसिनि हावरिया सैमाफोरखौं नुनानै
जंखायलांदों गारि सानिफ्राय !
बाइ बाइ दस्त।

श्री खातारी जौटि
कक्राझार मिउजिक ए
फाइन आर्ट कलेज

महर बोगोरि

महर बोगोरि आं बे मुगानि
हागोनदा आखिनो-
गोसो गोर्बोंनि सान्नायखौं- ?
सानो आं गोसोनि बाश्राखौं फोरमायनो
सुबुं लैथोनि बिखायाव रान्ना होनो
नाथाय सोर मिथिनो ?
आंनि थुलिखानि रावखौं-
सुर्बुंनि नोजोराव जीउ गैयै आं
सैना दोन्नाय गंसे सावगारीसो
रायदावगोन सोर आंखौं ?
मिथि मोनगोन दा- ?
थुलिखानि खायलें खुइलें बोनाय
राव गैयै सावगारीनि गाबखौं।
नाथाय बेयावनो थाखोमादों
गासै आंनि-
सुखु-दुखु गाबनाय मिनिनाय मेंनाय-बानाय।
हे ! सुबुं माहारि-
अन्नानै नाय नुनो मोनगोन
सान्नानै नाय बुजिमोनगोन
रायज्लायनानै नाय राव मोनगोन
दांनानै नाय साखाथियाव मोनगोन
आगानफ्रोमबो दावगालांनायाव
आं थुलुंगा मोनगोन।

श्री पबित्र बसुमतारी।
कक्राझार मिउजिक एन
फाइन आर्ट कलेज।

ऐ जोमै

थादयै नायफिनै नों
दाखा-दाखा मह्रै
बबाव थांनो उरायै
नोंनि महरखौं आं नायै
बुजिबाय नों थान्दै।
रथ’ रथ’ जोमै
गोसो इसिंनि खोथा लांफाथ’,
ददरे मायनावनि लागै
हायोब्ला लांफानो जोमै
थानानै नों, जानानै अखा
फोरमायहै नों
जुजाय अरनि खोथा
आंखौं खामनायनि।
हाबिलास जाबायदों जानांगौं
बियो आंनि खोथा मोन्नो,
थां जोमै थां
गोख्रोयैनो थां।
आरो दा बावगारदे
बिनि खोथा मोनबोयोब्ला
जोंनि गामिजों नों फैफिनोब्ला
आंनो बिलाइलांनो।

मुश्री परेस बर’

फरायसुला आं

फरायसा जीउ आं बे बुब्लिआव
नङ रंजानायनि बे मुलुगाव।
थांखि दङ आंहाबो बे उजिआव
जीउखौं लानानै सोरां खालामनायनि।
मैयासो गोरलैमोन आं-
दिनै जाबाय आंबो अनसुला फरायसुला।
गोदोसोना थानाय बर’ हारिखौं’
फरायसा जाना बोखांफिननो आंबो थियारी।
गोसोनि आयनायाव, बोनाय सावगारी
जाफुगोन दा बियो सानसे आं बुंस’ हाया।
गोसोनि मन्दिराव बारनाय बिबारा,
गेवलांगोन दा बियो सानसे आं बुंस’ हाया।
बर’आ हारिखौं सिनायनो रोङबोला
बर’ बिमानि रावखौं लाया बोला-
बे बहुमाव जों खौंसे जायाब्ला
जों अराय आनदाय नांगोन।

मुस्रि पबन ब्रह्म
ला:सो:-फाथाबारी
जिला- ककराझार बि टि सि

रंजालि गथ’फोरनि सौरा

लिमारिक

- ए.के. ब्रह्म

(1)

मोनसे खोथाखौं सान्नानै आं सानफ्रोमबो गोसोखौं खालोम-
खालोम मोनो,
सर्बादायानो दिल्लीयाव उदां बार मोनैनि हां थोनो थोनो जायो;
मदियाबो रियार्द लानांगौनि सम स’बाय,
ओजोंहा गौरब गगैआ बिखा फोर्दान खांबाय
बे समाव मदिजों लोगोसे अमित शाहनिबो जै-धोनि होथारनांगौं !

(2)

मोनथिबायना जयन्त मल्ल’ ! कंग्रेसनि मावनो लानाय हाबाया
मा ?
जोंखौथ’ बिसोर’ मोसौ सिखाव’ होन्नानै बुंखाबायानो हब्रा हब्रा;
सरकारआव फैब्ला’ SIT’ दागोन,
जोंखौं जेलाव सोनो नाजागोन
बेखायनो, थै-थां जुजि नांगोन जाथे दिसपुरनि मचनदा गोमाया !

बेसेन गैयै जिउ

संसाराव मानसिनि जिउखौं
बेसेनजों लाखि हाखाथारा
बेखौं नंखाय होनजाथारा।
अबोलाबो ‘यमराजाया’
मानसिनि जिउखौं थाबैनो
थुंगे होलायनो सानो
जोंबोथ समखौं मिनथियानो।
नंगो जिउआबो सान्रैसोल
खालो-बिलो मोजोमसेल
बोजों जागोनै बेलेबेजे जायो
नख’राव गिलुं दावराव जायो।
यम राजाया यम नि थान्दै
हगार हरो हायैनाव,
गोथै मानसि नि जिउमाखौं
लांनो गोजौं जायगायाव।
सुबुं जों अनागारि
बेवनोबा बिबो आंनि बै आंनि
नांगो सो नांगो एना-एनि
सान्रैसोनिल आलासि
बेखेवसेल जिउ जिंगादासि।

हेमन्त स्वर्गीयारी
गोदान दिल्ली

हां खनफ्रोमबो

हां खनफ्रोमबो मानोबा सौग्राव फैयो
जिउ दालांनांगौनि गोजोन दोंसे लामा..
सानजानिफ्राय ओंखारबोनाय
गोजा जारां साननि जौनाय बायदि
हाबावगोनना आं संसारखौं सोरजिनो !!
जैथिंबो लामाया हाख’र-हाला
बबेथिंबा रोहो-रोहो अरनि लामा
आगानसे आवगाययोब्ला हाथ’फ्ला जानांगोन
बबेथिंबा थाबायब्ला गाब्र’ना गोदोलांगोन।
आखाय गोलाव सहायगिरि
गिदिर रां थ’फ्लानि बिगुमा
गोथार-सैथोनि लामा दिनथिगिरि
गैलिया माथो गरिब जिउनि थुलुंगागिरि।
दा आंच!!!!
हां खनफ्रोमबो गसाईनि मुं गाबज्जियो...
निदाननि समावल’ मुं लायो गसाइनि
सहाय होगोनदा ? ?
गसाइआखि आंखौं !!!

बेलारोम बसुमतारी
फखालागि, कक्राझार

फिरफिला

गोजौनि उदां बारहावायाव
समायना गाब गोनां फिरफिला,
नों हाइला-हुइला बिरो
जिरन गैयै आलो-गोजोनै।
मोनहा स’थै गोजौआव
मेगन थायनैजों नायदावहाब,
दोलोयै दैखाछे सुबुङ
रंजा -खुसि गोथार गोसोयै।
दिनै जोंनि गेजेराव गोसो गोर्बोंनि आंगोमा,
नुजाफैदों बिब्दिनो फिरफिला लाइसि
लिरगिफोरनि उदांम्रि मुं मह्रै ।
मिलौहाब गोदै रावआव
आखाय बायदि बेरखांनाय गोसोनि बाश्रा,
फोरमाय जोबनो लुबैयो जों
आंगो फिरफिलानि सिगाङव उदां गोसोयै।
जोंनि बर’ थुनलाइआव
थागोन रोंगथिनि सोलौनि आरो
गियान सुम्रांनाय लिरबिदां
अरायसम फिरफिलानि हेफाजाबै।
फिरफिलायाव बोगोन रोमोग’ गाबनि सावगारि,
जौसिन-गोजौथाराव बिरगोन उनाव
लोगोसे जोंबो मानखोलांगोन लासै लासै।

मुस्रिमा निजरा ब्रह्म
खोला खारगाँव क’क्राझार

आइ भारत बिमा

आय’ आइ भारत बिमा
नोंनि मिथिंगा महरा
बेसेदि समायना रमायना
नों जोंनि भारत बिमा।
हाजो-हाला दैमा-दैसा
सोमखोर समायना हाप्रा-बंग्रा
निजोरा निजोरि अन्थाइ थाफा
बालाहामा लैथो लैथोमा
बुरलुंबुथुर सिन्धु काबेरि गंगा
नोंसोर अराय सोदोमस्रिनि फुंखा।
आय’ आइ भारत बिमा
नोंनि बिखायाव बायबुरुन हारि-हारिसा
दोहोरोम-खोरोम राव-रावसा
हाजो हायेन गामि नोगोर नोगोरमा
होनब्लाबो खौंसेथि आरो अनलायनाया
बेसेदि आमथा-आमथा आथा-खिथा।
आबाद थिलियाव सोमखोर आबादफोरा
बेसेदि गोजोनगलायो आबादारिफोरा
माइ जुखाम थाइजौ आपेल साहा
आबादफोरा हादरनि सनाफिथरखा
जै जाथों आइ, नों जोंनि आमा
आय’ आइ भारत बिमा।

मुकुत प्रसाद बर’
रडिया, कामरुप, आसाम

सुबुं जिउ

हाबाब गसाइ ! सुबुं जिउ नों साया माया
अखा मोफ्लामनाय बादि, दानो दं दानो गैया, जिउ नों !
थास’लाइनि दै थरथिं बादि थाद’यो दानदिसेनिल’
आय’ हाबाब ! जिउ नों मानो दुखु जालां होयो ?
मानसि माहारिनि आगोमा जिउ मोनसे खौंलाइ।
जोनोम लानानै मानसि माहारिया अराय सम
थानानै थानो लुबैयो, नाथाय आस’खान्दा।
थैनायनि खेंखा जानो हाया, थैनाया बे मुलुग
संसाराव मिथिंगानि खान्थि खाखानाय आखुखा।
अराय सम थाना थानो सानो जिउखौं लानानै
नाथाय बेफोर गासैबो आस’खान्दा जोब।
आय’ हाबाब ! दिनैसो मिथिना मोन्बाय आं
दसेनि थाखायल’सो जिउ आगोमा मोनसेयालाइ।
दानो दं दानो गैया मानसि जिउ।
थास’लाइनि थरथिं दैया सम जाब्ला गसर लाछे
बेदिनो मिथिंगाया होखानाय सम जानाय लोगो
लोगो सुबुं माहारिनि आगोमा जिउ मोनसेयाबो
बे मुलुग संसारनिफ्राय स्रोब गोमोरलाछे।

मुश्री मुकुल मुसाहारी
मागुरमारि कलबारी गोजौं फरायसालि
गामि-दङाइगामि (बिजनी)
जिल्ला-चिरां।

अबोला आं मा खालामनो!

नै बे गुवार संसारनि
थिं थिं गुदुं हाउ हाउ बालाबारियाव
दै गोंगोन आं थाबाइनो बायो।
दै गुदुं हाउ हाउ बालाबारिखौं
आं बारलांनो गियो।
रावनिबो आगान आरो
लामा गैयै बे बालाबारियाव
आं बबेथिं थानो !
बेवहाय फांसेबो बिफां गैया।
बेवहाय बार मोदायबो बारो।
जाउनाव हाद्रि बालाया बुखांजानानै
मेगनाव हाबो आरो
मेगननिफ्राय मोदै ग’यो।
नाथाइ

मेगननि मोदै, हाद्रि बालाखौं
सोर हुगारनो आरो एरखे’नो ?
गुबुनफारसे संसारनि
थिं थिं सान्दुआ दैदेनलानानै
बेलासे बुब्लिया आंखौं बरायहरनो खावलायो;
नोंनि न’आव थांनो।
लाजिगुसु मोखां सोमखेयै
अबोला आं मा खालामनो !

सबिन बिखारोजा मोसाहारी।
गामि - देवानपारा।
ला:सो: - बागरगाव।
जिल्ला - चिरां बि.टि.सि.(आसाम)।
थाना - बिजनी।

पर्तुगालनि स्टार क्रिस्टियान रनाल्डआ जर्जिनाजों जुलि जासिगोन

केनबेरा, 14 आगस्ट: पर्तुगाल आरो अल नासेरनि स्टार फुटबलार क्रिस्टियान रनाल्डआ लं टाइम गार्लफ्रेन्ड जर्जिना रड्रिगुएजजों रि मेरिज जाबाय। जेराव जर्जिनाआ गावनि इनस्टाग्रामआव एंगेजेमेन्ट र्रिनि सावगारिखौ शेयार खालामदों। जर्जिनाआ गावनि आखाइ आरो रनाल्डनि आखाइनि सावगारिखौ शेयार खालामदों आरो केप्सनआव गावनि मोजां मोन्याखौ फोरमायनानै सोलिफु जोनोमआव आरो फै गौ जोनोमावबो मोजां मोनलांगोननि बाश्वा फोरमायदों। नाथाय रनाल्डआ दासिमावबो बेखौ लानानै मोनबो पस्ट होयाखै। बिसोर सानैआ 2016 निफ्रायनो डेटआव थाबोदों। जेराव बिथांमोनहा 2017 नि जागायनायाव गावसोरनि सोमोन्दोखौ फोरमायनानै लादों आरो जुरिकआव जालानाय फिफा फुटबल एवार्डसआव गिबि खेव



सानैखौ नुनो मोन्दोंमोन। जर्जिनाआ सासे स्पेनिश मडेलार आरो ससेल मिडिया इनफ्लुएन्सार, जेराव बिथांमोनहा साब्रै गथ'फोर दड'। एबा मारिया आरो माटिय'नि जोनोमआ 2017 आव सेर'गैसिजों जादों। 2017 आवनो जर्जिनाआ फिसाजो मार्टिना आरो 2022

आव बेला एसमेराल्डाखौ जोनोम होदों। बिसोरनि अनगायै रनाल्डआ सासे फिसाजला दड'। जेराव रनाल्डनि फिसाजला क्रिस्टियान रनाल्ड जुनियरआ 2010 आव जोनोम जादों। मख'नाय जायोदि, रनाल्डआ थांनाय बोसोरनि 5 सेप्टेम्बरआव क्रएसियानि

हेंथायै बादायनायाव गावनि केरियारनि 900 थि गलखौ आबुं खालामनाय मुलुगनि गिबि गेलेगिरि जादों। जेराव रनाल्डआ गावनि बे माइलस्टनखौ मोनफुंनायनि उनाव ससेल मिडियाआव गावनि फुटबलनि हान्थिनायजों सोमोन्दोआव मोनसे क्लिप शेयार खालामदोंमोन।

पिएसजिआ इउएफए सुपार कापनि बिमुं देरहाबाय

पेरिस, 14 आगस्ट: सेम्पियन्स लीगनि सेम्पियन पेरिस सेन्ट जार्मेनआ गावसोरनि गोखों फर्मखौ लाखिनो हानायजों फेनाल्टि शूटआउटआव टेनहामखौ फेजेन्नानै इउएफए सुपार कापनि बिमुंखौ देरहाबाय। बे ट्रफीआ फ्रान्सनि क्लाब पिएसजिनि थाखाय सोलिफु बोसोराव बाथि ट्रफी देरहानाय थिसनजादों। नुन' मेन्डेजआ शूटआउटआव जोबथा महरै गोखोडै जोनाय किकआनो गलनि महाराव पिएसजिखौ आवगायहोदों। बे मेचआव पिएसजिनि देरहागोनखौ मोनसे समाव मिर्जिथि लाथावना नडामोन। मानोना सेम्पियन्स लीग आरो इउरपा लीगनि सेम्पियनफोरनि गेजेराव गेलेनाय सोलिफु बोसोरनि मेचआव टेनहामआ जोबथा समनि 85 थि मिनिटसिमआव 2-0



गलआव आवगायदोंमोन। नाथाय ली कं इनआ मोनसे गल पस्टनि कर्नरआव गोखों शटहोनानै पिएसजिनि थाखाय गिबि गल सोनायनि उनाव बिथांनि लोगो गेलेगिरि गन्जाल' रामसआ इन्जुरि समनि ब्रैथि मिनिटआव समान स्कर्नि गल सोफिन्दों। जायनि उनाव 2-2 गलआव समान

जानायनि फिथाइ महरै मेचखौ फेनाल्टि शूटआउटसिम लांनाखे। पिएसजिनि थाखाय भिटिन्हनि गिबि गल जोसन्नाया फेलें थांदों। जायनि उनाव टेनहामआ शूटआउटआव 2-0 गलआव आवगायनानै देरहागोनखौ रोखा खालामदोंमोन। नाथाय हान्जानि गेलेगिरि मिकी बेन डेवेन आरो मेटिस टेलआ फेनाल्टिआव गल

सोनो हायैनि जाउनाव पिएसजिआ लान्थियै गरब्रै फेनाल्टि गल सोनायजों देरहादों। मख'नाय जायोदि, बे क्लाबआ सोलिफु बोसोराव सेम्पियन्स लीग, लीग 1 आरो काप डि फ्रान्सनि बिमुं देरहादों। जेराव थांनाय जानुवारि दानआव ट्रफी-सेम्पियन्सआवबो देरहानो हादों।

भारतनि फुटबल फेडारेसनआ आइएसएल जेंनानि सायाव सावरायलायनो क्लाबफोरखौ हांख्रायदों

गोदान दिल्ली, 14 आगस्ट: अल इन्डिया फुटबल फेडारेसनआ गेलेमुनि गोजौ फर्सथान आरो आइएसएल क्लाबफोरनि नेमखाथि सुबुरुनगिरिफोरजों गोजौ थाखोनि आइएसएल लीगनि खुंजानो गोनां सिजनखौ लानानै हान्जाफोरनि जिंगाफोरनि जाहोनखौ लानानै सावरायनो हांख्रायदों। थांनाय सप्ताहआव गासै मोन 11 आइएसएल क्लाबफोरा फेडारेसननिसिम आइएसएल लीगनि इयुनखौ लानानै माखासे जेंनानि सायाव जिंगा फोरमायदोंमोन। जेराव बै समाव क्लाबफोरा बे लीगनि इयुनखौ लानानै फेडारेसननिक्राय जेंनानि सायाव आखाइ होनांगैनि दाबि दैखांदोंमोन। बे समाव क्लाबफोरा फेडारेसननिसिम जेंनाखौ नायबिजिराब्ला जुतायै आइनारि हेफाजाब लानायनि अनगायै

मोनबो रहा थाहैनाय नड होन्ना फोरमायहरदोंमोन। जायनि फिथाइ महरै फेडारेसनआ बेनि फिन्नायाव ओंखारदों। टुइर्टनि गेजेरजों फेडारेसनआ थांनाय 8 आगस्टखालि मोनाबिलि समाव मोन 11 इन्डियान सुपार लीग क्लाबफोरनिक्राय आर'जलाइ मोन्नायखौ फोरमायदों आरो सोलिफु समाव गोजौसिन बिजिरसालिनिफाय आइएसएलजों सोमोन्दो थांनाय जेंनाखौ सरजाबनो थिरांथा लानायखौ हेंथा होदों। जायनि उनाव फेडारेसनआ क्लाबफोर आरो फेडारेसननि नेमखाथि सुबुरुनगिरिफोरजों बे जेंनानि सायाव सावरायनानै नायबिजिरायायनि गेजेरजों थिरांथा लागोननि खोथा होदों।



गोदान दिल्ली, 14 आगस्ट: वर्ल्ड बेडमिन्टन सेम्पियनसिपआ फैगौ 25 आगस्टनिक्राय जागायगोन। जेराव बेनि थाखाय इनि फारिलाइखौ फोसावबाय। बे फारिआव भारतनि गेलेगिरिफोरा गोखों इ मोन्दों। जायनि फारिआव लक्ष्य सेनआ

जागायनाय फारिआवनो मुलुगनि नम्बर 1 चीननि गेलेगिरि सि युकीनि हेंथायै सेलेन्जआव ओंखारनांगोन। लक्ष्य आरो सिआ बेनि सिगां खेबब्रै बादायनायाव मोगा-मोगि जाखांबाय। जायनि फारिआव चीननि गेलेगिरिआ खेबथामआव देरहादों आरो

खेबसेआव जेन्नांदों। कमनवेलथ गेम्सनि गलड मेडेलिस्ट सेनआ थांनाय बोसोराव पेरिस अलिम्पिकनि सेमिफाइनलाव जेन्नायनि उनाव मोजां फर्मनि थाखाय नांथाबगासिनो दड। वर्ल्ड सेम्पियनसिप 2021 नि ब्रन्ज मेडेलिस्ट आल्मरशि 23 बोसोर बैसोनि सेनआ मुलुगनां रैंकिंगआव

मुंदांखा टेनिस गेलेगिरि लियेन्डर पेजनि बिफाया रूसारि जाबाय

गोदान दिल्ली, 14 आगस्ट: भारतनि मुंदांखा टेनिस स्टार लियेन्डर पेजनि बिफा वेस पेजआ 80 बोसोर बैसोआव रूसारि जालांबाय। गोलाव सम बैसो जानाय बेरामनि जेंनायाव गोर्लैबोनाय लियेन्डरनि



बिफाया कलकायनि गंसे प्राइभेट देहा फाहामसालिआव रूसारि जायो। जेराव बिथाड 1972 नि मिउनिख अलिम्पिकआव ब्रन्ज मेडेल देरहानाय भारतीय हकी हान्जानि बाहागोआवबो दडमोन। लियेन्डरनि बिफाया गोबाव समसिम भारतनि गेलेमुआव गोबां हाबा मावबोदों। जेराव बिथांनि दैदेन्यायवनो गोबां गेलेगिरिफोरा

गुबुन गुबुन गेलेमुनि फोथारआव डेब्युनि खाबु मोन्दों। भारतनि हकीआव मिड-फिल्डार महरै फोथारआव ओंखारनायनि अनगायै बिथाड फुटबल, क्रिकेट आरो रूबि बायदि गेलेमु फोरबबो आगान होदोंमोन। मख'नाय जायोदि, लियेन्डरनि बिफाया 1996-2002 नि गेजेराव भारतनि रूबि फुटबल एस'सिएसननि आफादगिरि बिबानखौ

सामलायबोनायनि अनगायैबो सासे स्पर्टस मेडिसिन डाक्टरबोमोन। बिथाड एसियान क्रिकेट काउन्सिल, इन्डियान क्रिकेट कन्ट्रल बोर्ड आरो भारतनि डेभिच काप हान्जाजों लोगोसे गोबां गेलेमु फर्सथानफोरजों सासे मेडिकल कन्साल्टेन्ट महरैबो हाबा मावबोदोंमोन। बिथाडा मुलुगनि गोजाम गेलेमु क्लाबफोरनि गेजेराव मोनसे कलकाटा क्रिकेट आरो फुटबल क्लाबनि आफादगिरि बिबानखौबो मोनसे समाव लादोंमोन। मख'नाय जायोदि, लियेन्डर आरो बिथांनि बिफाया भारतनि मोनसेल' बिफा आरो फिसाजलानि जरा जानो हादोंमोन। जेराव बिसोर सानैआ अलिम्पिक आव हादरनि थाखाय मेडेल देरहादों।

भेनास उडिलियाम्सआ इउएस अपेननि थाखाय वाइल्ड कार्ड मोन्दों



निउयर्क, 14 आगस्ट: भेनास उडिलियाम्सआ 2 बोसोर गेलेनायनिक्राय जानगारआव थानायनि उनाव इउएस अपेननिक्राय ग्रेन्डस्लेम टेनिसआव आगान होफिन्दों। बिथाड बोसोरनि जोबथा ग्रेन्डस्लेमआव सिंगेल बादायनायाव बाहागोदारिनि थाखाय वाइल्ड कार्ड मोन्दों। इन्टरसेनेल टेनिस फेडारेसननि बादिब्ला, 1981 आव रेनि रिचार्डआ 47 बोसोर बैसोआव बे अपेनआव बाहागो जानायनि उनाव आमेरिकानि 45 बोसोर बैसोनि उडिलियाम्सआ बे टुर्नामेन्टनि सिंगेल बादायनायाव बाहागो लानो गोनां बयनिखुइ बैसो गोरसिन गेलेगिरि जासिगोन। उडिलियाम्सआ फैगौ सप्ताहआव खुंजानो गोनां मिकस डाबल्स बादायनायनि थाखाय आमेरिकान टेनिस एस'सिएसननिक्राय सिगांनो वाइल्ड कार्ड मोन्दों। जेराव सिंगेल बादायनाया निउयर्कआव फैगौ 24 आगस्टनिक्राय जागोन। मख'नाय जायोदि, भेनासआ गासै मोन 7 गिदिर सिंगेल बिमुं देरहानाय महरै बे टुर्नामेन्टआव बाहागो जागोन। जेराव बिथाड 2000 आरो 2001 आव इउएस अपेननि बिमुंबो देरहानो हादों।

आसामनि हान्जाया सिबिएसइ फार इस्ट जन स्केटिं इभेन्टआव गं 26 मेडेल देरहादों



गुवाहाटी, 14 आगस्ट: छतिसगड़आव जाफुंसारै जोबलांनाय सिबिएसइ इन्टार स्कुल फार इस्ट जन स्केटिंआव आसामनि गेलेगिरिफोरा गोखोडै दिन्थिफुदों। जेराव इभेन्टआव देरहाबोनाय गेलेगिरिखौ नर्थ-इस्ट स्पर्टस गुइल्ड स्केटिं एस'सिएसनआ मानजों बरायदों। सामनि गेलेगिरिफोरा बे स्केटिं इभेन्टआव गासै गं 26 मेडेलफोर देरहाबोदों। जायनि फारिआव हिमानज्यति शर्मा, निलिम आकाश बरुवा, मनेसुइता कनवार, हिमानिस चौधुरि, देबंगा निसि बारघब, प्रार्थना काश्यप, अंकित सिंह आरो माधुज्य राज चौधुरिनि मुडा फेदों। बिथांमोननि अनगायै सहान कलिता, ऋदय मेधि, आहन नाजॉरि, तेजास्वी दत्त, सारानिया कातानियार, आबियुक्त भुजान, ऋषांका गगै, सानवी आहकार आरो रहान हाजरिकाआबो राइज्योनिसिम मेडेल लाबोनो हादों।



No. EE/PWD/KOJ/RIFB/33/536/2021-22/37 Dated Kokrajhar the 14/08/2025.
TENDER NO.03 OF 2025-26
PRESS NOTICE
(e-Procurement)
 The Executive Engineer, PWD, Kokrajhar Rural Roads Division, Kokrajhar invites bid on behalf of Governor of Assam for 7(Seven) nos. works under this Division for the financial year 2025-26, total bid amounting to **Rs.2,80,77,000.00 (Rupees two crores eighty lakhs seventy seven thousand) only** from eligible contractor registered under Class-I (A,B&C) and II category under PWD, (Roads), Assam or BTC.
 Details may be seen at website <http://assamtenders.gov.in> and also at the office of the undersigned during office hours.
 Sd/-Executive Engineer, PWD,
 Kokrajhar Rural Roads Division, Kokrajhar
IPR(BTC)/C/2025-26/2610

No. TECH-33/SE/Bldg/NIT/BAK/2024-25/37 Dated Kokrajhar the 12/08/2025
Tender No. 26 of 2025-26
PRESS NOTICE
 The Superintending Engineer PWD Kokrajhar Building Circle. Kokrajhar on behalf of the Governor of Assam invites bids from approved and eligible Contractors Registered with Public Works Department (Building). Assam Contractors registered with Bodoland Territorial Council in the category- of Class-I (A, B & C) & Class-II for the works for bids amounting to Rs.49,99,872.00 (Rupees Fourty Nine Lakh Ninety Nine Thousand Eight Hundred and Seventy Two) only.
 Details may be seen at website <http://assamtenders.gov.in> and also in the office of the undersigned during office hours.
 Sd/-Superintending Engineer, P.W.D.
 Kokrajhar Building Circle, Kokrajhar
IPR(BTC)/C/2025-26/2606

No. B/HFD/33/5/Auction/2000 Dated Kokrajhar the 12/08/2025
SHORT SALE NOTICE
 Interested individuals and parties are hereby invited to participate in an open Auction Sale of 01 (One) no. Timber Lot (Lot No.UR/UC/06 of 2025-26) Comprising 3.797 m3 of unclaimed seized of Gamari round logs . The Auction will be conducted on 16/08/2025 at the office of the Divisional Forest Officer, Haltugaon Division, Kokrajhar as per Auction Notice No. 137 , Dated: 12.08.2025 .
 Sd/-
 Divisional Forest Officer,
 Haltugaon Division,Kokrajhar.
IPR(BTC)/C/2025-26/2596

No.C/S-01/ACE/PWD/BTC/KOJ/2025-26/07 Dated Kokrajhar the 13/08/2025
TENDER NO. 14 OF 2025-26
PRESS NOTICE
(e-Procurement)
 In continuation to the Press Notice No. C/S-01/ACE/PWD/BTC/KOJ/2025-26/04, dtd. 14/07/2025 & IFB No. C/S-01/ACE/PWD/BTC/KOJ/2025-26/05, dtd. 14/07/2025 the Addl. Chief Engineer-cum-Director, PWD, BTC, Kokrajhar re-invite bid on behalf of the Governor of Assam for the work "Construction Of 50 bedded Critical Care Hospital Block (CCB) Under PM-ABHIM at Kokrajhar Medical College, Kokrajhar, Assam" on EPC Mode-I amounting to **Rs. 20,10,86,729.00** (Approx.) from the eligible contractors/firm registered under APWD/BTC (Building) Class – I (A) category.
 Details may be seen at website <http://assamtenders.gov.in> and also at the office of the undersigned during office hours.
 Sd/-
 Addl. Chief Engineer, Cum Director, PWD,
 Bodoland Territorial Council, Kokrajhar
IPR(BTC)/C/2025-26/2614

সেবা সেতু পৰ্টেলআব আৰ্মসনি ফোৰমান বিলাই গথায়নায়নি জৰ'খা বিথাংখি বেখেবদোঁ বে বিথাংখিয়া গোথৌ আৰো মোন্দাংখি গোনাং আন্সোলনি জায়গানি থাগিৰি আৰো থাগিবি ভাৰতআৰি নোগোৱাৰিফোৱনি গাব ৰৈখাথিনি থাখায় : ড॰ হিমন্ত বিশ্ব শৰ্মা

দিসপুৰ, 14 আগষ্ট: আসামনি মোন্দাংখি গোনাং আৰো গোথৌ আন্সোলআব জিউ খাংনায় থাগিৰি সুবুংফোৱনি ৰৈখাথিনি ফাৰসে নোজোৱ হোৱানৈ আসামনি গিবি মন্থিৰ ড॰ হিমন্ত বিশ্ব শৰ্মাআ লকসেবা ভবনআব সেৱা সেতু পৰ্টেলনি গেজৰজোঁ আসামনি মোন্দাংখি গোনাং আৰো গোথৌ আন্সোলআব জিউ খাংনায় জায়গানি থাগিৰিফোৱ আৰো থাগিবি ভাৰতআৰি নোগোৱাৰিফোৱনো হাথিয়ারনি ফোৰমান বিলাই (আৰ্মস লাইসেন্স) গথায়নায়নি জৰ'খা বিথাংখিখোঁ গোথৰৈ বেখেববায়। মখ'নো গোনাংদি, কেবিনেটআ থাংনায় 28 মে অক্ট'খালি বেনি সোমোন্দৈ থাংখি আজাবদোঁমন। ইয়ুন সমআব সৰকাৰআ আৰ্মস আয়েন 1959 আৰো আৰ্মস খান্দি-2016 নি সিঙাব মোন্দাংখি গোনাং আৰো গোথৌ আন্সোলআব জিউ খাংনায় গুবৈ থাগিবি আৰো গুবৈ থাগিৰি নোগোৱাৰিফোৱনো আৰ্মস



গুবুন-গুবুন বিথোনফোৱখৌ আবুডৈ মানিনা সোলিমাংগো। নখ'ৰ আৰো ৰাজখান্দি বিফানা গাসৈ হাৰাফাৰিখৌ নায়সংগো আৰো থিখানায সমনি গেজৰজ জিল্লা বেংগিৰি আৰো গাগি পুলিস বিবানগিৰিনিফাৰ জৰ'খা বিথাংখিখনি মাৱফু'নায়নি সোমোন্দৈ খে'ফোৱথিখৌ নাগিৰগো।

থাগিবি ভাৰতআৰি নোগোৱাৰিফোৱনি জোঁগাখাংনায়নি বিথিঙাব বে মোনসে গোনাংথায় থাংখি হোৱানৈ বিথাঙ বুদোঁদি, জিউগাপিকেলি আৰো সমাজাৰি-ৰাংখান্দি জাহোঁনাব আসামনি গোথৌ আৰো মোন্দাংখি গোনাং আন্সোলআব জিউ খাংনায় নোগোৱাৰিফোৱনি ৰৈখাথিখৌ লানানৈ সৰকাৰনি বিবান গোনাংখৌ বে

সফৈৰৈনি সিগাঙাবনো ৰাইজো-ৰাজাফোৱা জাহাথে আয়েননি সিঙাব থানানৈ গাবখৌ ৰৈখা খালামনো হায়ো বেনি থাখায় বে আয়েনখৌ লানায় জাদোঁ। বিথাংখিনি গাসৈ ৰাথ্ৰাখৌ মখ'নানৈ গিবি মন্থিৰা বুদোঁদি, বে আন্সোলআ মোন্দাংখি গোনাং আৰো গোথৌ আন্সোলআব জিউ খাংনায় জায়গানি থাগিৰি আৰো থাগিবি ভাৰতআৰি নোগোৱাৰিফোৱনি থাখায়ল' ৰাহায়জাগো। আৰ'জ থিসনগিৰি দেহায়িৰি আৰো গোসো-মেলেমাৰিনি থাসাৰি দায়নিগিৰি জাথায় সোমজিহোনাযনি কে স থিসনজানায দডনামা? ৰায়দি আয়দানি সোমোন্দৈ জিল্লানি গাগি পুলিস বিবানগিৰিআ জায়গায় থাংনানৈ সঁদানহৈগো। আৰ'জ থিসনগিৰিয়া আৰ্মস ৰাহায়নো ৰোঁনায়নি ফোৱেঁথাই লানাংগো। বিথাঙা ৰোখা খালামনা হোদোঁদি, আৰ্মস ফোৰমান বিলাইখৌসো গথায়গো, আৰ্মসখৌ ৰায়নানৈ হোয়া। নোগোৱাৰিফোৱনো আৰ্মসনি ফোৰমান বিলাই গথায়নায়নি বে হাৰাফাৰিয়া গোদান নঙ। আয়েননি সিঙাব থানানৈ

আগুআববো গথায়নায় জাদোঁ। আসামআব উতখাৰিনি থাসাৰি সোমজিনায়নি থাখায় গেজৰজ ৰোৱাব ৰোসোৱ বন্দ' জানানৈ দডমো। আথিখালাব আসামনি থাসাৰিয়া মোজা জানায়াব ফিন সিগাংনিখুই ৰাঁসিন ৰৈখাথি গোনাং সান্নায-হনায়জোঁসো আৰ্মসনি ফোৰমান বিলাইখৌ গথায়নো নাগিৰদোঁ। ফোৰমান বিলাইনি থাখায় গোসো গুৰু সুবুংফোৱ সেৱা সেতু পৰ্টেলনি গেজৰজোঁ আৰ'জ থিসনো হাগোৱ হোৱনা গিবি মন্থিৰা বুদোঁ। হাৰাফাৰিয়াব আসাম সৰকাৰনি আৰহাৱা আৰো হাগ্ৰা ৰায়দি বিফাননি মন্থি চন্দ মহন পাটৱাৰি, সোলোঁথাই ৰায়দি বিফাননি মন্থি ডা: ৰনজ পেগু, খাজোনা আৰো অলখ'দ সামলায়থাই ৰায়দি বিফাননি মন্থি কেশৱ মহন্ত, দৈ সম্পদ ৰায়দি বিফাননি মন্থি পিয়ুপ হাজ'ৰিকা, সুবুং দেহা কাৰিকৰি ৰায়দি বিফাননি মন্থি জয়ন্ত মল্ল ৰুৱা, নখ'ৰ আৰো ৰাজখান্দি বিফাননি লেঙাই গাহাই নেহাথিৰি অজয় তিৱাৰিমোনাংগো লোগোসে মাখাসে গাগি বিবানগিৰিফোৱ ৰাহাগো লাফেদোঁ।

ককড়াঙ্গাৰ নোগোৱা জোঁগাখাংনায়নি গোদানৈ থিসনজানায মাসিগিৰি মহৰৈ ৰুধিৰ কুমাৰ দৈমাৰিআ বিবান আজাববায়

ককড়াঙ্গাৰ, 14 আগষ্ট: বিটিসিনি সদৰ ককড়াঙ্গাৰ নোগোৱা জোঁগাখাং আফাদনি মাসিগিৰি মহৰৈ থিসনজানায ৰুধিৰ কুমাৰ দৈমাৰিআ দিনৈ হাৰাফাৰি ৰায়দিদৈ গাবনি বিবানখৌ আজাববায়। বে বিথিঙাব দিনৈ বিটিসিনি নোগোৱা জোঁগাখাং বিফাননি মেল জথুমসালিআব মোনসে ৰায়নায় হাৰাফাৰি খুঁনায় জাদোঁ। ৰায়নায় হাৰাফাৰিয়াব আসাম সৰকাৰনি কেবিনেট মন্থি উৰ্খাব গোৱ ৰ্ৰহ্ম, এমএলএ লেৰেন্স ইল্লাৰি, নোগোৱা আফাদনি মাসিগিৰি প্ৰতিৰা ৰনি ৰ্ৰহ্মমোনাংগো লোগোসে মাখাসে জৰ'খা আলাসিফোৱ ৰাহাগো



লাফৈনানৈ ককড়াঙ্গাৰ নোগোৱা জোঁগাখাংনায়নি গোদানৈ থিসনজানায মাসিগিৰি ৰুধিৰ কুমাৰ দৈমাৰিখৌ ৰায় মান ৰাউযো আৰো ফৈগৌ সমফোৱনি

থাখায় গাহাম হামলায়থি ৰাউযো। ফাৰসেংখি ককড়াঙ্গাৰ নোগোৱা জোঁগাখাংনায়নি মাসিগিৰি মহৰৈ ৰুধিৰ কুমাৰ দৈমাৰিআ হাৰাফাৰি ৰায়দিদৈ বিবান আজাবনায়নি

সোহোৱ মহৰৈ দানায় জাগো। ইয়ুনআব জাহাথে 'মেগাচিট' মহৰআব সোৱজিনো হায়ো বেনি থাখায় ৰায়দি ৰোখোমনি থাংখি লানায় জাগোৱ হোৱানৈ ৰুধিৰ কুমাৰ দৈমাৰিআ ককড়াঙ্গাৰ নোগোৱা জোঁগাখাংনায়নি মাসিগিৰি মহৰৈ গাবখৌ বিবান হোনাযনি থাখায় বিটিসিনি গাহাই মাৱফুং সোদ্রোমা প্ৰমদ ৰ', মন্থি উৰ্খাব গোৱ ৰ্ৰহ্ম আৰো এমএলএ লেৰেন্স ইল্লাৰিমোনাংগো সাৰাযখ'ৰ ৰাউযো। লোগোসে নো বিথাঙা ককড়াঙ্গাৰ সোহোৱনি সৱাসনস্ৰা সুবুংফোৱনিফাৰ হেফাজাৰ হোনাযখৌ হাস্থাযদোঁ।

বিটিআৰ সৰকাৰনি গিয়ান সোৱাং বিথাংখিনি সেক ৰান্নায় হাৰাফাৰিয়াব এমএলএ জিৰন ৰসুমতাৰিআ ৰাহাগো লাডোঁ

গসাঈগাব, 14 আগষ্ট: গসাঈগাব মহকুমা 2 নং গুমা ৰিয়াবনি সিঙাব থানায় সা 200 ফায়সা-ফায়সুলিফোৱনি গেজৰজ দিনৈ বিটিআৰ সৰকাৰনি প্লেগসিফ বিথাংখি গিয়ান সোৱাং বিথাংখিনি সেক ৰান্নানৈ হৰনায় হাৰাফাৰি খুঁপুণায় জায়ো। গসাঈগাব হাকমা গেটআব থানায় মুখল' সুজিত নাৰ্জিৰি গোসোখাং সাৱয়ন ব'ল্লাঙাব ৰান্জায়নায় সেক ৰান্নায় হাৰাফাৰিয়াব গাহাই আলাসি মহৰৈ 1 নং গসাঈগাব বিধান সভা ৰিয়াবনি এমএলএ জিৰন



আফাদনি আফাদগিৰি অনিন্দ গিয়ানি সুবুংফোৱনো ৰাহাগো ৰসুমতাৰিজোঁ লোগোসে গোবাং গুনি লায়ো।

30 নং গৱেষ্টৰ ৰিয়াবআব ইউপিপিএলনি জয়নিং হাৰাফাৰি

বড'সা থান্দৈ/গৱেষ্টৰ, 14 আগষ্ট : 30 নং গৱেষ্টৰ বি টি সি ৰিয়াবনি সিঙাব থানায় কাউৰুৰাহা দালাই ইউপিপিএলনি গাহাই মাৱখুলিআব দিনৈ ইউপিপিএল দোলোনি গেদেৰ্থাৰ জয়নিং হাৰাফাৰি লানায়জোঁ লোগোসে কাউৰুৰাহা দালাই ইউপিপিএলনি গাহাই মাৱখুলি বেখেবদোঁ। বে হাৰাফাৰিজোঁ লোৰ্ৰা লাখিনানৈ গেদেৰ্থাৰ জয়নিং হাৰাফাৰিৰো লানায় জায়ো। বে হাৰাফাৰিখৌ সামলায়দোঁমন তামুলপুৰ জিল্লা ইউপিপিএল দোলোনি লোগো আফাদগিৰি ৰিপুল ৰসুমতাৰিআ। বে হাৰাফাৰিখৌ বেখেবনা হায়ো আঙজো গাংখ ইউপিপিএলনি নেহাথিৰি হিলেনা স্বৰগিয়াৰিআ। বে হাৰাফাৰিয়াব গাহাই আলাসি মহৰৈ ৰাহাগো লায়ো বিটিসিনি ৰাৱা' লেঙাই গাহাই মাৱফুং সোদ্রোমা খাম্ফা ৰৱায়িৰিআ। বিথাঙ ৰিবুংখি গেজৰজোঁ ফোৱমায়থিযোদি, আথিখালাব ইউপিপিএল দোলোআ গোবাং জোঁগাথাইনি খামানি মাৱদোঁ। ৰিপিএফআ 17 ৰোসোৱ মাৱনো হায়ো খামানিখৌ ইউপিপিএল দোলোআ 4 ৰোসোৱনো মাৱনো হাদোঁ। ৰেখায়নো

জোঁনো প্ৰমদ ৰ'খৌনো বিটিআৰনি গাহাই মাৱফুং সোদ্রোমা নাংগো। হাগ্ৰামা মহিলাৰিআ ৰিপিএফখৌ মোজা দৈদেনো ৰোঙৈখায়নো ৰিপিএফনি মোজা দৈদেনগিৰিফোৱা গুবুন-গুবুন দোলোআব জগদান জাদোঁ। বেনিখায়নো আঁৰো ইউপিপিএল দোলোআব জগদান জাদোঁ। বে খেৰাব হাগ্ৰামা মহিলাৰি দৈদেনায় ৰিপিএফ দোলোআ মোনসে ৰা মোননৈ ল' মাসি দেৱহাৰাৰ জানানৈ ৰিপিএফ আ থেৰ ৰেথৈ জাগোৱ হোৱানৈ ৰিবুংখিনি গেজৰজোঁ ফোৱমায়থিযোদি। বে হাৰাফাৰিয়াবনো ৰাহাগো লায়ো ইউপিপিএল দোলোনি মায়ন 'ৰিতি চেলনি গাহাই নেহাথিৰি নুজুল ইল্লাম, তামুলপুৰ জিল্লা ইউপিপিএল দোলোনি নেহাথিৰি ৰানেস্বৰ নাৰ্জিৰি আৰো 30 নং গৱেষ্টৰ ৰিয়াবাব ইউপিপিএল দোলোনি বিবানগিৰিফোৱা ৰাহাগো লায়ো। মখ'নো নাংগোনিদি, দিনৈনি বে জয়নিং হাৰাফাৰিয়াব সা 500 নি ৰাঁসিন ৰিপিএফ আৰো ৰিজিপিনি দোলোনি দৈদেনগিৰি, সোদ্রোমাফোৱা ইউপিপিএল দোলোআব জয়ন জাফেদোঁ।

সুকলাই সেৱকাংআব ৰিজিপিআ ৰাৰতনি হাৰিমায়াৰি ফিৰফিলা লানানৈ হান্জা সুৱদোঁ

গৱেষ্টৰ, 14 আগষ্ট : ৰাৰতীয় জনতা পাৰ্টিনি দৈদেনায়াব 79থি ৰাৰত উদাংসি সানজোঁ লোৰ্ৰা লাখিনানৈ হাদতনি মাহাৰিয়াৰি ফিৰফিলা লানানৈ হান্জা সুৱনায় লায়ো। সুকলাই সেৱকাং ৰিজিপি দোলোখৌ গোখোঁ খালামনায়নি থাংখিজোঁ জয়নিং হাৰাফাৰিয়া সানফোমবো সোলগাসিনো। ৰিটিসি ৰিসাইখ'থিখৌ নোজো ৰোনানৈ মোনফোমবো দোলোআ গাবৰা-গাবনি দোলোখৌ গোখোঁ খালামনায়নি থাংখিজোঁ জয়নিং হাৰাফাৰি লানায়খৌ নুনো মোন্দোঁ। বে জয়নিং হাৰাফাৰিয়াব ৰাহাগো

নেহাথিৰি লক্ষ্মী নাথ তাসা, গৱৰখা জোঁগাখাং গোথুমনি মাসিগিৰি প্ৰেম তামাংজোঁ লোগোসেইনো গোবাং ৰিজিপি দোলোনি দৈদেনগিৰিফোৱাৰো ৰাহাগো লায়ো। ম'খনো গোনাংদি, বিটিআৰনি ৰোগাথাই বিফাননি মাৱফুং সোদ্রোমা ৰেনেৱ নাৰজাৰি ৰিথানি নুজাথিনায়াব সুকলায় সেৱকাং ৰিয়াবনি ৰেন্দোঁআব থানায় গুবুন-গুবুন দোলোনি মাৱথি ৰিথামোনা ৰিয়াবনি এমসিএলএ এৰা বি.টি.আৰনি মাৱফুং সোদ্রোমা ৰেনেৱ নাৰজাৰি ৰিথানি জোঁগাথাইনি খামানি মাৱনায়খৌ নুনানৈ গোবাং ৰাইজো-ৰাজা মাৱথিফোৱা জয়নিং জাৱোঁ হোৱানৈ ফোৱমায়ো।



নং সুকলাই সেৱকাং ৰিয়াবাব ৰিজিপি দোলোআবো দেউসুংগা মিলন গুদি ফাৰায়সালিআব জয়নিং হাৰাফাৰি লানায়খৌ নুনো মোন্দোঁ। বে জয়নিং হাৰাফাৰিয়াব ৰাহাগো

লায়ো বি.জে.পিনি লাইমোন আয়গনি নেহাথিৰি ৰাতুল শৰ্মা, সুকলাই সেৱকাং মণ্ডল ৰিজিপি আফাদগিৰি সৱসিঁ সৌধুৰি আৰো বি.জে.পিনি আসাম ৰায়জোআৰি

भारतनि जौगाखांनायखौ ट्राम्पनि टेरिफ एटेकआबो होबथानो हाया

गोदान दिल्ली, 14 आगस्ट: आमेरिकानि हादतगिरि डनाल्ड ट्राम्पआ भारतआरि दैथाय हरनायनि सायाव गोबां बिबांनि टेरिफ जाबसिन्दों। बेनि उनाव भारतआरि दैथाय हरप्राफोरनि गेजेराव गोसो बायनाय साग्लोबो। नाथाय एस & पिटल 'बेल रेटिसनि डायरेक्टर यीफार्न फुआनि बुनाय बायदिब्ला, बेजों भारतनि रांखान्थियारि जौगाखांनायाव जेबो गोहोम गोग्लैनाय नडा। भारतनि सभारेन रेटि आउटलुकआ गाहामैनो थागोन। मख'नो गोनांदि, रासियानिफ्राय



थाव बायनायनि पेनाल्टी महरै आमेरिकाया भारतनि सायाव गासै 50 जौखोन्दो टेरिफ जाबसिनो।

25 जौखोन्दो टेरिफआ थांनाय 7 आगस्टनिफ्राय सोलिखांभाय आरो 25 जौखोन्दो टेरिफआ

फेगौ 28 आगस्टनिफ्राय जागायगोन। नाथाय जर'खागिरिफोरा गनायोदि, भारतनि रांखान्थियारि बेबस्थाय

बे सेलेन्सखौ गोरलैयैनो सहायना लागोन। फुआआ थांनाय बुधबारखालि एसिया-पेसिफिक सभारेन रेटिसनि सायाव भेबिनाराव बुडोदि, भारतनि रांखान्थियारि बेबस्थाय फालांगिनि सायाव बारा सोनार। आमेरिकानो भारतनि दैथाय हरनायनि जिडिपिआ 2 जौखोन्दोल'। बेनिखायनो बे टेरिफआ भारतनि रांखान्थि जौगाखांनायनि सायाव जेबो गिदिर गोहोम गोग्लैनाय नडा। थांनाय बोसोरनि मे दानाव एस & पिआ भारतनि सभारेन रेटि बिबिबिनो पजिटिभ आउटलुक होदोंमोन। बेनि जाहोनाव

हादरनि रांखान्थियारि बेबस्थाय जौगाखांदोंमोन। एस & पिनि गोदान हमदोनाय बायदिब्ला, भारतनि जिडिपि ग्रथआ बे रांखान्थि बोसोराव 6.5 जौखोन्दो थागोन। बेयो थांनाय बोसोरनि समन। फुआआ 1 आ 1 फोरमायोदि, फार्मास्युटिकेल्स आरो कन्जुमार इलेक्ट्रनिक्स बायदि गिदिर दैथाय हरनाय बिथिफोरनो बे टेरिफनिफ्राय रेहाय जादों। बेनिखायनो बे टेरिफआ भारतनि रांखान्थियारि बेबस्थानि थाखाय बारा खहा लाबोनाय नडा होन्ना बिथां फुआआ बुडे।

आसाम पुलिसआ भारत-बांलादेश सिमना साखाथियाव सा 9 रहिंग्याफोरखौ बेंखनाव लादों

गुवाहाटी, 14 आगस्ट: आसाम पुलिसआ काछार जिल्लायाव भारत-बांलादेश सिमनानि साखाथियाव आइजो आरो गथ'फोरजों लोगोसे सा 9 रहिंग्याफोरखौ बेंखनाव लादों। बिबानगिरिफोरनि बायदिब्ला, कटिगरा ओन्सोलनि बिश्वनभरपुर गामिनि नोगोरिफोरा मंगलबार मोनायाव बिसोरखौ नुनानै सोंथि खालामनायनि उनाव पुलिसनो गथायना होयो। गिबिसन बिजिरनायाव मिबथिनो मोनोदि, बेंखनाव लानाय सुबुंफोरा 20 बोसोर सिगां आइन बेरेखायै भारतआव हाबफेदोंमोन आरो हाइब्राबादआव आलादा



आलादा साखिफोर मावगासिनो दडमोन। पुलिसनो फोरमायनाय बादिब्ला, बिसोर सानै सुबुंफोरनि मदतजों नख'रनि सोमोन्दो जानायफोरजों लोगो हमनो थाखाय बांलादेशआव फैफिनो नाजाबाय थादोंमोन, जाय बिसोरखौ सिमना बारहोनायनि खोथा होदोंमोन। पुलिसआ फोरमायनाय

बायदिब्ला, बिसोर हाइड्राबादनिक्रिय ट्रेनजों फैदोंमोन आरो सासे गेजेरनि सुबुडा बिसोरखौ सिमनानि साखाथिनि हाग्रा बारियाव लानानै थाडो, जेराव बिसोर सानसे उखैहाबना थानांदोंमोन। उनाव जायगानि सुबुंफोरा बिसोरखौ जाग्रा आदार नागिरनायाव नुनो मोनो।

आइजल, 14 आगस्ट: मिज'रामनि गिबि मन्थि लालदुहमाआ थांनाय बुधबारखालि बुडेदि, राइज्योनि 'गल्डेन ट्रायंगेल' आ खोला सान्जा एसियानि मोनसे खहा गोनां फेग्रा बेसाद दिहुन्थाय ओन्सोलफोरनि खाथि राइज्योआव लान्थियै लाबोनायाव बिहोमा होगासिनो दड। बिथाड निसा उदां भारत हाबाफारिनि गेजेरजों दरसे राइज्योआरि थाखोनि हाबाफारियाव बुंदोंमोन, जेराव गुबुन गुबुन स्कुल आरो कलेजफोरनि गासै 600 निखुइ बांसिन फरायसाफोरा बाहागो लायो। लालदुहमाआ बुडेदि, गल्डेन ट्रायंगेलआ



मिज'रामनिफ्राय फेग्रा बेसारफोरखौ लान्थियै इनपल' खालामनायनि गाहाइ जाहोन। जों मिज'समाजआ बेबादि खहा गोनां गोहोमनिफ्राय रैखा मोन्नो थाखाय गावसोरनि दावहायाव खौसे जानांगौ। गल्डेन ट्रायंगेलआ सा-सान्जा म्यान्मार, सा-सोनाब थाइलेन्ड आरो सा

लाअसआव गोसारनाय मोनसे हाजोआरि ओन्सोलखौ दैदेनो, जाय गोबां बिबांनि फेग्रा बेसाद बानायनायनि थाखाय गाहाइ। गिबि मन्थिआ लाइमोनफोरखौ आबुडै बेनिफ्राय जानगार थानो खावलायनानै सांग्राथि होयोदि, माब्लाबा माब्लाबा जानायाबो हुदानि जाहोन जानो हागौ। बिथाड सिगांनिफ्रायनो फेग्रा बेसाद जानायाव गोदोनाय सुबुंफोरखौबो बेखौ नागरानै जिउखौ दाफिनो थाखाय साहस गोनां थांखि लानो आरज गाबदों। सुलुनि बायदिब्ला, निसा उदां भारत हाबाफारिया हादत नाडैनि मोन 372 जिल्लाफोराव सोलिगासिनो दड, जेराव मिज'रामनि गासै मोन 11 जिल्लाफोरा दंफायो। बे हाबाफारिया फेग्रा बेसाद जानायनि अलखदन सोमोन्दै सांग्राथि गोसारहोनो आरो गिबि खेब निसा जाग्राफोरखौ होबथानायनि सायाव बिथा खालामो।

सिक्किमनि पाकयं उरां जाहाज गाथोननिफ्राय उरां जाहाजखौ बिरहोफिनो थाखाय दिल्लीयाव गोजौ थाखोनि जथुम्मा

गेंटक, 14 आगस्ट: सिक्किमनि सासेल' लकसभा एमपि इन्द्र हं सुब्बाआ थांनाय बुधबारखालि फोरमायोदि, पाकयं उरां जाहाज गाथोनाव उरां जाहाज सिबिथायफोरखौ जागायफिन्यायनि सायाव सावरायनो थाखाय दिल्लीयाव मोनसे गोजौ थाखोनि जथुम्मा जायो बे जथुम्माया थांनाय मंगलबारखालि उडान भवनआव नोगोरारि उरां जाहाज राइज्यो मन्थि मुस्लीधर महलनि दैदेन्यायाव जायो। पाकयं उरां जाहाज गाथोनाव उरां जाहाज सालायनाया 2024 नि जुन दाननिफ्रायनो बन्द' जाना दड। बे सावरायनाय समाव पाकयं उरां जाहाज गाथोननि बिथोनगिरि बालासाहेब पटेआ बिबानगिरिफोरनो आथिखालाव सालायनायनि थासारि, हाबाफारि आरो अरायथा महरै सालायनो थाखाय गुदि बिथाफोरखौ बांहोनाय बिथांखिफोरनि सोमोन्दै खौरं होयो। सुब्बानि मावख'नि बायदिब्ला, एमपिआ सिक्किम आरो गुबुन



राइज्योफोरनि गेजेराव सोमोन्दोयाव साबसांहोनो थाखाय उरां जाहाज गाथोननि सोलोखिन्थियारि मख'जाथावनि सायाव नोजोर होनानै थागिबि, दावबायनाय आरो रांखान्थियारि हाबाफारिफोरनि सायाव गोनांथि होयो। बे जथुम्मायाव बोथोरजों सोमोन्दो थानाय जेनाफोर, उफ्रा उरां जाहाजफोर थिसन्नाय आरो उरां जाहाज सालायनायनि सम आरो टेक्निक सेलेन्सफोरनि सायावबो सावरायो। महलआ सिबिथायफोरखौ लान्थियै सोलिहोनो थाखाय एयारलाइनफोर आरो

बिबानगिरिफोरजों हेतु बिफाननि फारसेनिफ्राय

आबुडै हेफाजाब होनो खोथा होयो। नोगोरारि उरां जाहाज

बिफाननि गागि बिबानगिरिफोर आरो स्पाइसजेट, इन्डिग आरो एलायन्स एयारनि थादँफोरा बे जथुम्मायाव बाहागो लायो। गावआरि एयारलाइनफोराबो बेयाव उरां जाहाज सालायनायाव हेफाजाब होनो खोथा होयो। बेनि गेजेरजों सुब्बाआ मख'जाथावयै उरां जाहाज सोलिहोफिन्यायाव मदत होनायनि थाखाय मिरुआरि मन्थि आरो एयारलाइन थादँफोरनो साबायख'र बावयो।

मणिपुर पुलिसआ म्यान्मारनिफ्राय ड्राग्स फालांगि खालामग्रा सासे सुबुंखौ ग्रेप्टार खालामो



इम्फल, 14 आगस्ट: बिबानगिरिफोरा बुहस्पतिबारखालि मिबथि होयोदि, मणिपुरि मुस्लिम फोलेरनि सासे 29 बोसोर बैसोनि सुबुंखौ म्यान्मारनिफ्राय तेंनौपाल जिल्लानिफ्राय मणिपुरआव आइन बेरेखा ड्राग्सनि फालांगि खालामनाय

दायआव बुधबारखालि ग्रेप्टार खालामनाय जायो। फोथाय जाथाव खौरां मोन्नायाव मणिपुर पुलिसनि एन्टि-ड्राग्स टिमआ मोनसे अपारेसन सालायो, जायनि गेजेरजों बै सुबुंखौ ग्रेप्टार खालामनाय जायो आरो होबथा जानाय मुवा-बेसादफोरखौ जब्द'

खालामो। थौबल आरो तेंनौपाल जिल्ला पुलिसआ थौबल पुलिस स्टेसननि सिडाव थानाय खेरमन अमाकचमनि नोगोरारि संगमसुंभाम नासिर खानखौ ग्रेप्टार खालामो आरो बिनफ्राय ब्राउन सुगारजों बुंफबनाय मोन 35 साबुननि डिब्बाफोर बोखांनो हायो, जायनि लिस्थाइया गासै खावसे किल 'ग्राममोन। जब्द' खालामनाय ड्राग्सनि बाजार बेसेना माहारियारि गोसोम बाजारव 1 कौटि रंगोन। दायनिगिरिखौ नारकटिक ड्राग्सनि नेम-खान्थि 2023 नि गेजेरजों केस थिसन्नाय जायो। बोखांनो मोन्नाय मुवा-बेसादफोरखौ इयुननि आइनआरि नायबिजिरनायनि थाखाय पुलिसनि बेंखनाव दोन्नाय जायो।

No. DOE/BTC/SSA/DAJGUA/Hostel/42/25/01 Dated Kokrajhar, the 14th August 2025

PRESS NOTICE
(e-Procurement)

The Director of Education, BTC, Kokrajhar invites bids on behalf of Governor of Assam for 4 (Four) no. of work under Chirang District and Kokrajhar District amounting Rs. 14,39,55,440.00 (Rupees Fourteen Crore Thirty Nine Lakh Fifty Five Thousand Four Hundred and Forty) only from registered contractors of Class-I (A & B) category of Assam PWD (Building), BTC.

Details may be seen at website <http://assamtenders.gov.in> and also in the office of the undersigned during office hours.

Sd/-
Director, Education,
BTC, Kokrajhar

IPR(BTC)/C/2025-26/2603

आसामनि डिजिपि हरमित सिंहआ सुबुंफोरखौ उदांस्त्रि साननि हाबाफारियाव बाहागो लानो खावलायदों

गुवाहाटी, 14 आगस्ट : आसामनि डिजिपि हरमित सिंहआ उदांस्त्रि सानखौ उतखारिफोरनि नेवसिगारनो खावलायनायखौ नेवसिगारनानै बाहागो लानो खावलायो। बिग्रायारि आफाद आल्फा-आइ आरो एनएससिएनआ सोनाब बंग'नि सान्जा ओन्सोलाव बन्द' फोसावयो। उदांस्त्रि साननि फेरडआव सान्त्रियारि जे-मिलिट्रि



आरो पुलिस हान्जाफोरा बाहागो लागोन। आसामनि पुलिस डिजिपि हरमित सिंहआ नोगोरारिफोरखौ फेगौ उदांस्त्रि साननि जथुम्मायाव

बाहागो लानो खावलायो। बिथाङ उतखारि आफादफोरनि नेवसिगारनो खावलायनायखौ गोजम आरो राइज्योनि आथिखालनि थासारिखौ दैदेनाखै होन्ना फोरमायनानै नेवसिगारो। थांनाय बुधवारखालि खानापाङा फेरड ग्राउन्डआव थियारिफोरखौ नायबिजिरनायनि उनाव मिडियाजों सावरायनानै राइज्योनि देरसिन पुलिस बिबानगिरिया बुडोदि,

आसामाव गाव 32 बोसोर सिबिथाइ होनायाव गोबां सोलायनायखौ नुनो मोन्दों। बेनिखायनो बयबो उदांस्त्रि सानखौ फालिनो थाखाय आवगायबोनांगो। बिथाङ खोथा होयोदि, बे हाबाफारिखौ गोखों रैखाथि बेब'स्थानि गेजेरजों खुं नाय जागोन आरो गासै हान्जाफोरा आबुडै थियारि थागोन।

राहुल गान्धीनि भट खावनायनि दाय जाबसिन्नायनि सायाव बिसायख'थि आयगआ गोखों फिन्नाय होदों

गोदान दिल्ली, 14 आगस्ट : भटर फारिलाइयाव गोब्राबै हेर-फेर खालामनायनि सायाव बानाय राजखान्थियारि जेनानि गेजेरजों बिसायख'थि आयगआ बेनि गोखों फिन्नाय होदों। आयगआ आथिखालनि दाबि दैखानायफोरखौ गोरोथि आरो नंखाय होन्ना फोरमायना बुडोदि, भटर फारिलाइनिफ्राय रावनिबो मुंखौ आयेनारि फोरमान गैया जासे बोखारनो हाया। आयगआ बे खौरांखौ लक सभायाव बेरेखा दोलोनि दैदेनगिरि राहुल गान्धीनि बै हाबाफारिनि फिन्नायाव फोसावयो, जेराव राहुल गान्धीनिआ आयगनि सायाव भटरनि गेना-खान्थिखौ बांहोनायनि दाय जाबसिनो, जायखौ बियो सासे सुबुं, मोनसे भटनि सुबुंखान्थिनि सायाव थोजोडै गालोबनाय होनना फोरमायो। बेनि गेजेरजों राहुलआ बिसायक'थि आयगनाव डिजिटेल भटर फारिलाइ फोसावनो दाबि दैखाडो, जाहाथे नोगोरारि आरो राजखान्थियारि दोलोया उदाडै बेनि अडिट खालामनो हायो। बिथाङ दाय जाबसिनोदि, गाहाइ बिसायख'थि ओन्सोलफोराव बिसायख'थिनि फिथाइफोरखौ गोहोम खोखैनो थाखाय नंखाय आरो डुप्लिकेट फोरमानलाइफोर बाहायनाय जायो। बिसायख'थि आयगआ गावनि मावख'यारि फिन्नायाव बुडोदि, भटर फारिलाइफोरनि आयेनखौ गोखोडै फालिनानै थियारि खालामनाय जायो। जायखि-जाया



साबसांबोनाय, मुं बोखारनो एबा सरजाबनो थाखाय भटर रेजिस्टार नेम-खान्थि 1960 नि गेजेरजों थि खालामनाय हाबाफारिफोरखौ फालिनाय जायो। जेबो गोखों फोरमानलाइ गैया जासे भटर फारिलाइनिफ्राय रावनिबो मुंखौ बोखारनो हाया होनना आयगआ बुडो। आयगआ राइज्योयारि महै दाय जाबसिनग्राफोरखौ गावसोरनि दाबि दैखानायखौ मुंसाइनाय फोसावलाइजों लोगोसे दिथिनो सेलेन्स होयो।

हादरगिरि मुर्मुआ उदांस्त्रि साननि सानसे सिगां हादरयारिफोरनिसिम बिबुंथि लाखिदों

गोदान दिल्ली, 14 आगस्ट: हादरगिरि द्रौपदि मुर्मुआ 79 थि उदांस्त्रि साननि सानसे सिगां बृहस्पतिवारखालि हादरयारिनिसिम बिबुंथि लाखिदों। बिथानि बे बिबुंथिखौ मोनाबिलिनि 7.00 रिगायाव आकाशवाणीनि समुचे रास्ट्रीय नेटवार्कआव फोसावनाय जायो आरो दुर्दर्शननि गासै सेनेलफोराव हिन्दी रावआव फोसावनाय जायो, जायनि उनाव



इंराजि रावआवबो फोसावनाय जायो। हादरगिरि मावख'आ बुंदोंदि, दुरदर्शनआव हिन्दी आरो इंराजि रावआव फोसावनायनि उनाव दुरदर्शननि ओन्सोलारि सेनेलफोरनि गेजेरजों ओन्सोलारि रावफोरवबो फोसावनाय जायो।

मावख'नि बादिब्ला, आकाशवाणीआ गावसोरनि सोमोन्दो गोनां ओन्सोलारि नेटवार्कआव हरनि 9.30 रिगायाव ओन्सोलारि रावजों फोसावनाय जादों। बेनि उनाव शुक्रवारखालि फु डाव गाहाइ मन्थि नरेन्द्र मदिआ लालकि ल्लानि प्राचीरनिफ्राय गावनि नेमखान्थि बादियै उदांस्त्रि साननि बिबुंथि होगोन। मख'नो गोनांदि,

भारतआ बोसोरफोमबो 15 आगस्टआव उदांस्त्रि सान फालियो, जाय 1947 आव 200 जौथायनिखुइबो बांसिन सम सोलिनाय ब्रिटिश खुंथायनिफ्राय उदांस्त्रि मोन्नायनि नेसोंन। बे सानखालि फिरफिला बिरहोनाय हाबाफारि, हरिमु हाबाफारि आरो हादरनि उदांस्त्रि सोमावसारग्रा सान्थि फोरनो बिबार बाउनाय जायो।

STATE ELECTION COMMISSION, ASSAM

राज्यिक निर्वाचन आयोग, अजम

STATE ELECTION COMMISSION, ASSAM

CHECK YOUR NAME IN FINAL BTC ELECTORAL ROLL 2025

<https://ermssec.assam.gov.in>

IMPORTANT INFORMATION :

- The Final Electoral Roll is available for citizen in the Circle Office, Block Development Office, Municipality Office, Town Committee, Sub Registry Office, Gaon Panchayat/Village Council Development Committee offices located within the Constituency and official website of the district administration.
- If you are eligible to vote on or after 01.01.2025, as per the current summary revision exercise of the ECI, and your name appears in the ECI Supplementary Roll but still not included in the BTC Electoral Roll, you may submit a claim for inclusion in the corresponding BTC Electoral Roll to the concerned Returning Officer(RO) or Assistant Returning Officer(ARO) till last day of nomination for the BTC Election 2025.
- The format of filing Claims is available in the office of the ROs/AROs as well as in the website of the District Administration and State Election Commission.

<https://ermssec.assam.gov.in>

or

<https://sec.assam.gov.in>

Published by Directorate of Information & Public Relations, Assam

Connect with us

[f](#)[x](#)[@](#)[@diprassam](#)[dipr.assam.gov.in](#)

DIPR/D/BSA/145/15-Aug-25

Subscribe to Asom Barta

Whatsapp 'Assam' at 7048621962

साफ्रोमबो हादतआरिफोरनिसिम

79 थि उदांस्त्रि साननि

गोसो-गोर्बोनिफ्राय गाहाम हामब्लाय हरबाय

दिनै जुदि मुलुगआ सान्दोंदि भारतआ गेदेरथार जौगानायनि थाखाय थियारि, अब्ला बेनि थाखाय थांनाय 11 बोसोरनि गोहो गोरा लन्सपेड दड।

-नरेन्द्र मदि

CBC22201/13/0012/2526

फुनि 6 :30 रिगानिफ्राय दुरदर्शन नेटवार्कनि गेजेरजों लाल किलानि प्राचीरनिफ्राय उदांस्त्रि

For the First Time in the History
of Bodoland Territorial Region

Celebrating Courage, Culture & Community



79th Independence Day Bestowing Special Honours

On this Independence Day, the Government of Bodoland Territorial Region proudly honours 6387 outstanding citizens of BTR – a monumental recognition of courage, service and cultural stewardship that has strengthened our communities and shaped our shared future.

WE SALUTE & HONOUR

BIMA SIBINAI BITHANGKHI
Living mothers of the martyrs of the Bodoland Movement.

DOURIS OF ALL BATHOU MAHASABHA
Keepers of indigenous culture and traditions.

GUDI BATHOU OJAH
Custodians of sacred rites and rituals.

ROMAN SCRIPT MARTYRS
Heroes of the Roman Script Movement.

RADIO & TELEVISION ARTISTS
Voices preserving Bodo songs, cinema, and culture.

BODOLAND MOVEMENT EX-WORKERS ASSOCIATION (BMEWA)
Protectors of our people, land, and resources.

EXCEPTIONAL CONTRIBUTORS OF BODOLAND HAPPINESS MISSION
Brave souls who stood for justice and rights.

FORMER WOODCUTTERS
Choosing dignity over destruction.

OUTSTANDING STEWARDS OF SIKHNA JWHWLAO NATIONAL PARK
Champions of conservation.

START-UP ENTREPRENEURS
Innovators driving community upliftment.

Date: Friday, 15th August 2025

Time: 3:00 PM onwards

Venue: Bodofa Cultural Complex, Kokrajhar

Come, witness a landmark moment of gratitude, pride, and unity.

Published By I&PR Department, BTC

To know more about BTR log on to www.btripr.in